

স্বাগতিক

উদযবার্তা

হালিশহর ক্যান্টনমেন্ট পাবলিক স্কুল এন্ড কলেজ সংবাদ

UDOYBARTA

- ৪র্থ বর্ষ
- ৮ম সংখ্যা
- জানুয়ারি-জুলাই ২০১৯



হালিশহর ক্যান্টনমেন্ট পাবলিক স্কুল এন্ড কলেজ
Halishahar Cantonment Public School & College
Email: info@hcpsc.edu.bd, Web: www.hcpsc.edu.bd

অধ্যক্ষের দপ্তর থেকে...

উন্নত ও সমৃদ্ধ জীবনের একমাত্র হাতিয়ার হলো-‘শিক্ষা’। শিক্ষার বলেই মানুষ দেশ ও জাতিকে সমৃদ্ধির শিখরে পৌঁছে দিতে পারে। তাই শিক্ষিত জাতি গঠনে ‘এসো শিখি, দেশ গড়ি’ এই মূল মন্ত্রে প্রতিনিয়ত হাজারো শিক্ষার্থীকে দীক্ষা দান করছে আমাদেরই প্রতিষ্ঠান- ‘হালিশহর ক্যান্টনমেন্ট পাবলিক স্কুল এন্ড কলেজ’। পড়ালেখার পাশাপাশি এ প্রতিষ্ঠানের শিক্ষার্থীদের সাংস্কৃতিক, ক্রীড়া ও অন্যান্য সহপাঠ অঙ্গনে রয়েছে মুখর পদচারণা। তারই টুকরো টুকরো বলক দেখতে পাবো এই ‘উদয়বার্তায়’। আমাদের সাফল্য ও কর্মময় জীবনের সোনালি চিত্রে উজ্জাসিত হোক উদয়বার্তার প্রতিটি পাতা।

শুভেচ্ছান্তে-

লেঃ কর্নেল রকিব উদ্দিন আহমেদ, পিএসসি

অধ্যক্ষ

হালিশহর ক্যান্টনমেন্ট পাবলিক স্কুল এন্ড কলেজ

সূচিপত্র

■ চেয়ারম্যান মহোদয়ের বিদায় সম্বর্ধনা	০৩
■ নতুন চেয়ারম্যানের দায়িত্ব গ্রহণ	০৩
■ বই উৎসব	০৪
■ সততা স্টোর উদ্বোধন	০৪
■ HCPSC স্কাউটের সমাজ উন্নয়ন এ্যাওয়ার্ড ও প্রেসিডেন্ট এ্যাওয়ার্ড প্রাপ্তি	০৫
■ বার্ষিক ক্রীড়া প্রতিযোগিতা	০৫
■ বার্ষিক সাংস্কৃতিক অনুষ্ঠান ও পুরস্কার বিতরণ ২০১৯	০৬
■ ৬ষ্ঠ প্রতিষ্ঠা বার্ষিকী উদযাপন	০৭
■ শহিদ দিবস ও আন্তর্জাতিক মাতৃভাষা দিবস-২০১৯ উদযাপন	০৭
■ বার্ষিক শিক্ষা সফর	০৮
■ আন্তঃহাউজ প্রোগ্রামিং প্রতিযোগিতা-২০১৯	০৯
■ আন্তঃহাউজ কুইজ প্রতিযোগিতা ২০১৯	০৯
■ বঙ্গবন্ধু শেখ মুজিবুর রহমান-এর ৯৯তম জন্মবার্ষিকী ও জাতীয় শিশু দিবস’১৯ উদযাপন	১০
■ চেয়ারম্যান মহোদয়ের HCPSC পরিদর্শন	১১
■ গণহত্যা দিবস ২০১৯ পালন	১১
■ মহান স্বাধীনতা দিবস ২০১৯ পালন	১২
■ ২০১৯ সালের এইচএসসি পরীক্ষার্থীদের বিদায় অনুষ্ঠান সম্পন্ন	১৩
■ ভূমিকম্প করণীয় ও অগ্নি নির্বাপণ মহড়া অনুষ্ঠিত	১৪
■ পহেলা বৈশাখ ১৪২৬ বঙ্গাব্দ উদযাপন	১৫
■ আন্তঃ ক্যান্টনমেন্ট পাবলিক স্কুল ও কলেজ খেলাধুলা প্রতিযোগিতা	১৬
■ বিজ্ঞান মেলা ২০১৯ অনুষ্ঠিত	১৭
■ এসএসসি-২০১৯ এ শতভাগ পাসের সফলতা	১৮
■ অভ্যন্তরীণ শিক্ষক প্রশিক্ষণ কর্মশালা	১৯
■ মাদক বিরোধী আলোচনা সভা অনুষ্ঠিত	১৯
■ পারিবারিক সম্মিলন অনুষ্ঠিত	২০
■ ফল প্রদর্শনী ২০১৯	২০
■ বিভিন্ন প্রতিযোগিতায় আমাদের অংশগ্রহণ ও অর্জন	২১
■ বিভিন্ন প্রতিযোগিতায় আমাদের অংশগ্রহণ ও অর্জন	২২
■ ২০১৯ সালে বিভিন্ন প্রতিযোগিতা অংশগ্রহণকারী শিক্ষার্থীর সংখ্যা ও অর্জন	২৩

সম্পাদনা পর্ষদ

■ প্রধান উপদেষ্টা:

ব্রিগেডিয়ার জেনারেল মোস্তফা কামাল রুশো

এনডিসি, পিএসসি, জি,
কমান্ড্যান্ট, আর্টিলারি সেন্টার ও স্কুল
এবং

সভাপতি, পরিচালনা পর্ষদ

হালিশহর ক্যান্টনমেন্ট পাবলিক স্কুল এন্ড কলেজ

■ উপদেষ্টা:

লেঃ কর্নেল রকিব উদ্দিন আহমেদ, পিএসসি

অধ্যক্ষ

হালিশহর ক্যান্টনমেন্ট পাবলিক স্কুল এন্ড কলেজ

■ সম্পাদক

ওসমান ফারুক, বিভাগীয় প্রধান, বাংলা

■ সহযোগী সম্পাদক

কাঞ্চন সরকার, প্রদর্শক, পদার্থ বিদ্যা

সৈয়দ শরফুদ্দিন ইসতিয়াক, সহকারী শিক্ষক, চারু ও কারুকলা

মো: ওমর ফারুক, সহকারী শিক্ষক, ইংরেজি

হোসনে আরা আকতার, সহকারী শিক্ষক, বাংলা

তাসকিয়া জাবিন, সহকারী শিক্ষক ও সার্ভার ইঞ্জিনিয়ার

মো: ফয়সাল, সহকারী শিক্ষক, ইংরেজি

সুমাইয়া ইসলাম, সহকারী শিক্ষক, বাংলা

মো: আনোয়ারুল ইসলাম, অফিস সহকারী



চেয়ারম্যান মহোদয়ের বিদায় সম্বর্ধনা

গত ১০ ফেব্রুয়ারি ২০১৯
তারিখে হালিশহর ক্যান্টনমেন্ট
পাবলিক স্কুল এন্ড কলেজের
চেয়ারম্যান ব্রিগেডিয়ার
জেনারেল মো: আব্দুল মজিদ
এনডিসি, পিএসসি, জি
মহোদয়কে বিদায়ী স্মারক
তুলে দিচ্ছেন প্রতিষ্ঠানের
অধ্যক্ষ লে: কর্নেল রকিব
উদ্দিন আহমেদ, পিএসসি।



নতুন চেয়ারম্যানের দায়িত্ব গ্রহণ

গত ১১ ফেব্রুয়ারি ২০১৯
তারিখে ব্রিগেডিয়ার জেনারেল
মোস্তফা কামাল রশো এনডিসি,
পিএসসি, জি, কমান্ড্যান্ট,
আর্টিলারি সেন্টার ও স্কুল,
হালিশহর ক্যান্টনমেন্ট পাবলিক
স্কুল এন্ড কলেজের সভাপতির
দায়িত্বভার গ্রহণ করেন।



বই উৎসব ২০১৯ উদযাপন

১লা জানুয়ারি ২০১৯ তারিখে, হালিশহর ক্যান্টনমেন্ট পাবলিক স্কুল এন্ড কলেজ সাড়ম্বরে পালন করেছে বই উৎসব। কেজি থেকে নবম শ্রেণির শিক্ষার্থীদের হাতে নতুন বছরের নতুন শ্রেণির বই তুলে দিয়েছেন প্রতিষ্ঠানের অধ্যক্ষ মহোদয়। শিক্ষার্থীরা বছরের প্রথম দিনে নতুন বই, স্কুল প্রদেয় খাতা, একাডেমিক ক্যালেন্ডার ও ডায়েরি পেয়ে অত্যন্ত আনন্দিত। এই আয়োজন শিশুমনে জাগিয়ে তুলবে পড়ার আনন্দ এটাই আমাদের বিশ্বাস।



সততার অনুশীলন- সততা স্টোর উদ্বোধন

৬ই জানুয়ারি ২০১৯ তারিখে, 'জীবনে চলার পথে সততাই সর্বোৎকৃষ্ট পন্থা' - এই সত্যকে সামনে রেখে জীবন পরিচালনা শেখার এক উদ্যোগ গ্রহণ করেছে হালিশহর ক্যান্টনমেন্ট পাবলিক স্কুল এন্ড কলেজ কর্তৃপক্ষ। ৬ জানুয়ারি ২০১৯ তারিখে উদ্বোধন করা হয় বিক্রোতা বিহীন সততা স্টোর। এতে পাওয়া যাবে বই, কলম, খাতা, পেন্সিলসহ নানা সামগ্রী এবং হালকা গুঁকনো খাবার। এই বিতানে ক্রেতারা নিজের প্রয়োজনীয় সামগ্রী নিজে নিয়ে মূল্য পরিশোধ করে দেবে। সততা স্টোরটি উদ্বোধন করেন প্রতিষ্ঠানটির উপাধ্যক্ষ। সহকারী প্রধান শিক্ষক ও অন্যান্য শিক্ষকবৃন্দ এ সময়ে উপস্থিত ছিলেন।



সততা স্টোর



HCPSC স্কাউটের সমাজ উন্নয়ন এ্যাওয়ার্ড ও প্রেসিডেন্ট এ্যাওয়ার্ড প্রাপ্তি

হালিশহর ক্যান্টনমেন্ট পাবলিক স্কুল এন্ড কলেজ ২৪ এপ্রিল ২০১৩ তারিখে বাংলাদেশ স্কাউট এর তালিকাভুক্ত হয়। তখন থেকে অত্র প্রতিষ্ঠান বিভিন্ন স্কাউট কার্যক্রমে অংশগ্রহণ করে আঞ্চলিক এবং জাতীয় পর্যায়ে সফলতার প্রমাণ রেখেছে। বাংলাদেশে স্কাউট শ্রেষ্ঠ পুরস্কারগুলোর মধ্যে অন্যতম হচ্ছে 'সমাজ উন্নয়ন এ্যাওয়ার্ড ও প্রেসিডেন্ট এ্যাওয়ার্ড।' হালিশহর ক্যান্টনমেন্ট পাবলিক স্কুল এন্ড কলেজ হতে ২০১৯ সালে দুইজন শিক্ষার্থী ইফতেখার হোসেন সাকিব ১০ম (বাংলা ভার্শন) এবং আশরাফ উদ্দীন অভি ৯ম (বাংলা ভার্শন) সমাজ উন্নয়ন এ্যাওয়ার্ড এবং আশরাফ উদ্দীন অভি ৯ম (বাংলা ভার্শন) প্রেসিডেন্ট এ্যাওয়ার্ড পুরস্কার পাওয়ার গৌরব অর্জন করে।



বার্ষিক ক্রীড়া প্রতিযোগিতা ২০১৯ অনুষ্ঠিত

১০ জানুয়ারি ২০১৯ হতে ২১ জানুয়ারি ২০১৯ তারিখ পর্যন্ত হালিশহর ক্যান্টনমেন্ট পাবলিক স্কুল এন্ড কলেজের বার্ষিক ক্রীড়া অনুষ্ঠিত হয়। তিনটি হাউজের শিক্ষার্থীরা স্বতঃস্ফূর্তভাবে বিভিন্ন খেলাধুলায় অংশগ্রহণ করে। ২১ জানুয়ারি ২০১৯ প্রতিযোগিতার চূড়ান্ত পর্ব ও পুরস্কার বিতরণ অনুষ্ঠান আয়োজন করা হয়। এতে প্রধান অতিথি হিসেবে উপস্থিত ছিলেন ব্রিগেডিয়ার জেনারেল মোঃ আব্দুল মজিদ, এনডিসি, পিএসসি, জি, কমান্ড্যান্ট, আর্টিলারি সেন্টার ও স্কুল এবং সভাপতি পরিচালনা পর্ষদ, হালিশহর ক্যান্টনমেন্ট পাবলিক স্কুল এন্ড কলেজ। বিশেষ অতিথি হিসেবে উপস্থিত ছিলেন বেগম মাকসুমা আহসান। প্রতিযোগিতায় একাডেমিক ও ক্রীড়া প্রতিযোগিতায় সামগ্রিক বিচারে চ্যাম্পিয়ন ও রানার আপ হাউজের পুরস্কার অর্জন করে যথাক্রমে বীরশ্রেষ্ঠ সিপাহী মোস্তফা কামাল হাউজ ও বীরশ্রেষ্ঠ সিপাহী হামিদুর রহমান হাউজ। এক মনোজ্ঞ ডিসপ্লে শেষে বিজয়ীদের মধ্যে প্রধান অতিথি ও বিশেষ অতিথি পুরস্কার বিতরণ করেন।



বার্ষিক সাংস্কৃতিক অনুষ্ঠান 'আনন্দধারা' ও পুরস্কার বিতরণ ২০১৯



৩১ জানুয়ারি ২০১৯ তারিখ হালিশহর ক্যান্টনমেন্ট পাবলিক স্কুল এন্ড কলেজ সাদুম্বরে উদযাপন করেছে বার্ষিক সাংস্কৃতিক অনুষ্ঠান 'আনন্দধারা' ও পুরস্কার বিতরণ ২০১৯। এ অনুষ্ঠানে প্রধান অতিথি হিসেবে উপস্থিত ছিলেন কর্নেল এস এম মনিরুজ্জামান, বিজিবিএম, পিবিজিএম, প্রধান প্রশিক্ষক, প্রশিক্ষণ রেজিমেন্ট, আর্টিলারি সেন্টার ও স্কুল। আয়োজনের শুরুতেই ছিল সাংস্কৃতিক অনুষ্ঠান 'আনন্দধারা'। এরপর ২০১৮ শিক্ষাবর্ষের শ্রেষ্ঠ শিক্ষার্থী, শিক্ষক, শ্রেণি-শিক্ষক ও স্টাফদের মাঝে পুরস্কার বিতরণ করা হয়। বিভিন্ন ক্ষেত্রে প্রধান অতিথি শ্রেষ্ঠদের হাতে পুরস্কার তুলে দেন। তিনি সমাপনী বক্তব্যে আনন্দধারায় অংশগ্রহণকারী সকল শিক্ষার্থীকে এবং চমৎকার আয়োজনের জন্য প্রতিষ্ঠান প্রধান ও সংশ্লিষ্ট সকলকে আন্তরিক ধন্যবাদ জানান। চমৎকার এই আয়োজনে প্রধান অতিথি, সামরিক-বেসামরিক অতিথিসহ প্রতিষ্ঠানের সকল শিক্ষার্থী, অভিভাবক, শিক্ষক-শিক্ষিকা, কর্মকর্তা ও কর্মচারী উপস্থিত ছিলেন।





৬ষ্ঠ প্রতিষ্ঠা বার্ষিকী উদযাপন

২০ জানুয়ারি ২০১৩ থেকে পথ চলা শুরু করে স্বনামধন্য শিক্ষা প্রতিষ্ঠান হালিশহর ক্যান্টনমেন্ট পাবলিক স্কুল এন্ড কলেজ। ২০১৯ সালে প্রতিষ্ঠানটি সাফল্যমন্ডিত পাঁচটি বৎসর অতিক্রম করে পদার্পন করে ষষ্ঠ বৎসরে। প্রতিষ্ঠা বার্ষিকের এই দিনে চমৎকার এক সমাবেশের আয়োজন করা হয়। উপস্থিত সকলের সামনে প্রতিষ্ঠান প্রধান লে: কর্নেল রকিব উদ্দিন আহমেদ ফেষ্টিভন ও বেলুন উড়িয়ে প্রতিষ্ঠা বার্ষিকী উদ্বোধন করেন। প্রতিষ্ঠানের শিক্ষক, সেরা শিক্ষার্থী, সেরা ক্যাপ্টেন, সেরা কর্মকর্তা ও কর্মচারীদের হাতে পুরস্কার তুলে দেন অধ্যক্ষ মহোদয়। এছাড়া প্রত্যেক শ্রেণিতে একটি করে কেক কেটে মজা করে প্রতিষ্ঠা বার্ষিকীর এই দিনটি উদযাপন করে শিক্ষক ও শিক্ষার্থীবৃন্দ।



শহিদ দিবস ও আন্তর্জাতিক মাতৃভাষা দিবস-২০১৯ উদযাপন

২১ ফেব্রুয়ারি ২০১৯ তারিখে হালিশহর ক্যান্টনমেন্ট পাবলিক স্কুল এন্ড কলেজ শহিদ দিবস ও আন্তর্জাতিক মাতৃভাষা দিবস যথাযোগ্য মর্যাদা ও ভাবগম্ভীর পরিবেশে উদযাপন করেছে। প্রভাতফেরির মধ্য দিয়ে শুরু হওয়া আয়োজনে ছিল শহিদ মিনারে পুষ্পস্তবক অর্পণ, বর্ণমালা প্রদর্শনী, কবিতা আবৃত্তি, সুন্দর হাতের লেখা প্রতিযোগিতা, রচনা প্রতিযোগিতা, চিত্রাংকন প্রতিযোগিতা, প্রামাণ্যচিত্র প্রদর্শন ও সাংস্কৃতিক অনুষ্ঠান। অনুষ্ঠান শেষে বিজয়ীদের মধ্যে প্রতিষ্ঠানের সম্মানিত অধ্যক্ষ পুরস্কার বিতরণ করেন।





বার্ষিক শিক্ষা সফর

৯, ১৬ ও ২৩ ফেব্রুয়ারি ২০১৯ তারিখে অনুষ্ঠিত হল হালিশহর ক্যান্টনমেন্ট পাবলিক স্কুল এন্ড কলেজের ১ম-৪র্থ, ৫ম-৭ম ও ৮ম-১০ম শ্রেণির বার্ষিক শিক্ষাসফর-২০১৯। সকল শ্রেণির সকল সেকশনের শ্রেণিশিক্ষক ও শিক্ষার্থীরা এই শিক্ষাসফরে অংশগ্রহণ করে। ভেন্যু- আর্মি স্কুল অব মিউজিক, চট্টগ্রাম সেনানিবাস ও পারকি সমুদ্র সৈকত। ৯ ফেব্রুয়ারি পারকি সমুদ্র সৈকতে পৌঁছে শিক্ষার্থীরা সমুদ্র সৈকতের সৌন্দর্য ও সৈকতে আটকে পড়া জাহাজ 'দি ক্রিস্টাল গোল্ড' অবলোকন করে। এখানে শিক্ষকদের পরিচালনায় বালকদের ফুটবল ও কাবাডি এবং বালিকাদের হ্যাণ্ডবল প্রতিযোগিতা অনুষ্ঠিত হয়। বিজয়ী দলের হাতে পুরস্কার তুলে দেয়া হয়। ২৩ ফেব্রুয়ারি অত্র প্রতিষ্ঠান থেকে যাত্রা শুরু করে চট্টগ্রাম সেনানিবাসে পৌঁছে শিক্ষার্থীরা ঘুরে দেখে যাদুঘর। এই যাদুঘরে সংরক্ষিত ছিল ১৯৭১ সালের মুক্তিযুদ্ধে ব্যবহৃত অস্ত্র। শিক্ষার্থীরা নানা প্রশ্ন করে শিক্ষকবৃন্দের কাছ থেকে নানা তথ্য জেনে নেন। পরে আর্মি স্কুল অব মিউজিক মাঠে পৌঁছে নির্দিষ্ট স্থানে অবস্থান করে এবং উপভোগ করে আর্মি স্কুল অব মিউজিকের সেনা সদস্যদের মনোমুগ্ধকর পরিবেশনা। তারপর শ্রেণিশিক্ষকবৃন্দের পরিচালনায় বিভিন্ন প্রতিযোগিতা অনুষ্ঠিত হয়। দুপুরের খাবার শেষ করে বিজয়ীদের হাতে পুরস্কার তুলে দেওয়া হয়। চমৎকার এই শিক্ষা সফর শেষ করে শিক্ষার্থীরা ক্যাম্পাসে ফিরে আসে।





আন্তঃহাউজ প্রোগ্রামিং প্রতিযোগিতা-২০১৯

গত ৯ই মার্চ ২০১৯ তারিখে অনুষ্ঠিত হয় আন্তঃহাউজ প্রোগ্রামিং প্রতিযোগিতা। এতে ষষ্ঠ থেকে দ্বাদশ শ্রেণির শিক্ষার্থীরা অংশগ্রহণ করে। জুনিয়র ও সিনিয়র দুই গ্রুপের মধ্যে থেকে বাছাই করে ৩০ জনকে ফাইনাল রাউন্ডের জন্য নির্বাচিত করা হয়। ফাইনালে দুই গ্রুপ থেকে ৬জন প্রতিযোগিকে বিজয়ী ঘোষণা করা হয়। উক্ত প্রোগ্রামিং প্রতিযোগিতায় বিষয়বস্তু ছিল Computer Programming, web design ও Digital Content. শিক্ষার্থীরা প্রতিটা বিষয়ের উপর বিভিন্ন সমস্যার সমাধান করে।



আন্তঃহাউজ কুইজ প্রতিযোগিতা ২০১৯

প্রতিবছরের ন্যায় এবছরেও অত্যন্ত জাঁকজমকপূর্ণ অনুষ্ঠানের মাধ্যমে গত ১৪ মার্চ ২০১৯ তারিখে হালিশহর ক্যান্টনমেন্ট পাবলিক স্কুল এন্ড কলেজ আন্তঃহাউজ কুইজ প্রতিযোগিতার আয়োজন করে। প্রতিষ্ঠানের ৩টি হাউজ: বীরশ্রেষ্ঠ মহিউদ্দীন জাহাঙ্গীর হাউজ (রেড), বীরশ্রেষ্ঠ মোস্তফা কামাল হাউজ(ব্লু) ও বীরশ্রেষ্ঠ সিপাহী হামিদুর রহমান হাউজ (গ্রিন) এই প্রতিযোগিতায় অংশগ্রহণ করে। প্রতিযোগিতায় শিক্ষার্থীদের মেধা যাচাই করার জন্য ৪টি রাউন্ড পরিচালনা করা হয়। যথা: বার্জার রাউন্ড, র্যাপিড ফায়ার রাউন্ড, Own Choice Round ও বহুনির্বাচনী প্রশ্ন রাউন্ড। অত্যন্ত প্রতিযোগিতামূলকভাবে হাড্ডাহাড্ডি লড়াইয়ে বীরশ্রেষ্ঠ মহিউদ্দিন জাহাঙ্গীর হাউজ চ্যাম্পিয়ন হওয়ার গৌরব অর্জন করে এবং বীরশ্রেষ্ঠ সিপাহী হামিদুর রহমান ও বীরশ্রেষ্ঠ মোস্তফা কামাল হাউজ যথাক্রমে ১ম ও ২য় রানারআপ হয়। অনুষ্ঠানের শেষে অধ্যক্ষ মহোদয় বিজয়ী ও বিজিত প্রতিযোগীদের হাতে পুরস্কার তুলে দেন।



জাতির জনক বঙ্গবন্ধু শেখ মুজিবুর রহমান-এর ৯৯তম জন্মবার্ষিকী ও জাতীয় শিশু দিবস'১৯ উদযাপন

১৭ মার্চ ২০১৯ তারিখে শিশুদের কলকাকলিতে মুখরিত পরিবেশে অনুষ্ঠিত হয় হালিশহর ক্যান্টনমেন্ট পাবলিক স্কুল এন্ড কলেজ কর্তৃক আয়োজিত সর্বকালের শ্রেষ্ঠ বাঙালি বঙ্গবন্ধু শেখ মুজিবুর রহমানের ৯৯তম জন্মবার্ষিকী ও জাতীয় শিশু দিবস ২০১৯। কেজি থেকে একাদশ শ্রেণির শিক্ষার্থীদের অংশগ্রহণে এই দিবসটির উদযাপনে ছিল- আলোচনা সভা, প্রামাণ্যচিত্র প্রদর্শন, আবৃত্তি, চিত্রাঙ্কন ও রচনা প্রতিযোগিতা। এছাড়াও দিবসটির তাৎপর্য তুলে ধরে সাংস্কৃতিক আয়োজনে ছিল আবৃত্তি, নাচ, গান ও অভিনয়। অনুষ্ঠানের সর্বশেষ আয়োজন ছিল জাতির পিতার রুহের মাগফেরাত ও দেশবাসীর শান্তি ও সমৃদ্ধি কামনায় দোয়া মাহফিল। অনুষ্ঠানে আরও উপস্থিত ছিলেন প্রতিষ্ঠানের শিক্ষক-শিক্ষিকা, কর্মকর্তা, কর্মচারীবৃন্দ। প্রতিষ্ঠানের অধ্যক্ষ মহোদয় বিজয়ীদের মধ্যে পুরস্কার বিতরণের মধ্য দিয়ে সকলকে ধন্যবাদ জানিয়ে অনুষ্ঠানের সমাপ্তি ঘোষণা করেন।





চেয়ারম্যান মহোদয়ের HCPSC পরিদর্শন

৭ই মার্চ ২০১৯ইং তারিখে হালিশহর ক্যান্টনমেন্ট পাবলিক স্কুল এন্ড কলেজের পরিচালনা পর্ষদের সম্মানিত চেয়ারম্যান ব্রিগেডিয়ার জেনারেল মোস্তফা কামাল রুশো এনডিসি, পিএসসি, জি, মহোদয় HCPSC পরিদর্শন করেন। এখানে তিনি শিক্ষার্থীদের উদ্দেশে প্রেষণামূলক বক্তব্য প্রদান করেন। পরে প্রতিষ্ঠানের শিক্ষক-শিক্ষিকা মডলীর উদ্দেশে দিকনির্দেশনামূলক বক্তব্য দেন।



গণহত্যা দিবস ২০১৯ পালন

২৫ মার্চ ২০১৯, হালিশহর ক্যান্টনমেন্ট পাবলিক স্কুল এন্ড কলেজ 'গণহত্যা দিবস ২০১৯' উপলক্ষে আলোচনা সভার আয়োজন করে। ১৯৭১ সালের ২৫ মার্চ কালরাতে পাকিস্তানের হানাদার বাহিনী নির্মম হত্যায়ত্ত্ব চালায় এদেশের ঘুমন্ত নিরীহ বাঙালির উপর। আলোচনা সভায় ভয়ংকর সেই রাত সম্পর্কে বক্তব্য রাখেন প্রতিষ্ঠানের দু'জন শিক্ষক ও দু'জন শিক্ষার্থী। এরপর বীর মুক্তিযোদ্ধা জনাব এ.এইচ.এম জিলানী চৌধুরী, চট্টগ্রাম বন্দরের নৌ-কমান্ডো, বাংলাদেশ কৃষি ব্যাংক এর সাবেক ডিজিএম শিক্ষার্থীদের সামনে মুক্তিযুদ্ধের স্মৃতিচারণ করেন। সবশেষে অধ্যক্ষ মহোদয়ের বক্তৃতার মাধ্যমে অনুষ্ঠানের পরিসমাপ্তি ঘটে।



মহান স্বাধীনতা দিবস ২০১৯ পালন



২৬ মার্চ ২০১৯ তারিখে বিনম্র শ্রদ্ধা ও গভীর কৃতজ্ঞতায় দেশমাতৃকার জন্য আত্মদান করা বীর সন্তানদের স্মরণ করেছে হালিশহর ক্যান্টনমেন্ট পাবলিক স্কুল এন্ড কলেজ। ০৮:০৫ মিনিটে সারাদেশের সাথে তালমিলিয়ে শুদ্ধ সুরে জাতীয় সঙ্গীত পরিবেশনের মধ্য দিয়ে শুরু হয় দিনের কর্মসূচি। এরপর আলোচনা সভা, প্রামাণ্য চিত্র প্রদর্শন ও কুইজ প্রতিযোগিতা অনুষ্ঠিত হয়। এ দিনের অন্যতম আকর্ষণ ছিল হালিশহর ক্যান্টনমেন্ট পাবলিক স্কুল এন্ড কলেজের শিক্ষার্থীদের হাউজ ভিত্তিক দেয়ালিকা উন্মোচন। এছাড়াও অনুষ্ঠিত হয় চিত্রাংকন, আবৃত্তি ও রচনা প্রতিযোগিতা। অনুষ্ঠানে উপস্থিত ছিলেন প্রতিষ্ঠানের সম্মানিত অধ্যক্ষ, উপাধ্যক্ষ, সহকারী প্রধানশিক্ষক, শিক্ষক-শিক্ষিকা, কর্মকর্তা ও কর্মচারীবৃন্দ। বিভিন্ন প্রতিযোগিতায় বিজয়ী শিক্ষার্থীদের পুরস্কার বিতরণের মধ্য দিয়ে অনুষ্ঠানের পরিসমাপ্তি ঘটে।





২০১৯ সালের এইচএসসি পরীক্ষার্থীদের বিদায় অনুষ্ঠান সম্পন্ন



২৭ মার্চ ২০১৯ তারিখে হালিশহর ক্যান্টনমেন্ট পাবলিক স্কুল এন্ড কলেজের ২০১৯ সালের এইচএসসি পরীক্ষার্থীদের বিদায় ও দোয়া অনুষ্ঠান কলেজের কেন্দ্রীয় সম্মেলন কক্ষে অনুষ্ঠিত হয়। প্রতিষ্ঠানের অধ্যক্ষ মহোদয়ের সভাপতিত্বে অনুষ্ঠিত এ অনুষ্ঠানে উপাধ্যক্ষ ও কলেজ কো-অর্ডিনেটরসহ অন্যান্য শিক্ষকগণ উপস্থিত ছিলেন। অনুষ্ঠানের শুরুতে কোরআন তেলাওয়াত করে প্রতিষ্ঠানের শিক্ষার্থী মহিবুল্লাহ ওমায়ের। অন্যান্যদের সাথে বক্তব্য রাখেন শিক্ষার্থী সাদিয়া বিনতে মোস্তফা, আফ্রিদা ইয়াসমিন, কলেজ কর্ড এবং উপাধ্যক্ষ জনাব সাইফুল ইসলাম বুলবুল। সভাপতির বক্তব্যে অধ্যক্ষ মহোদয় শিক্ষার্থীদের উদ্দেশে নির্ধারিত সময়ের ৩০ মিনিট আগে পরীক্ষার হলে উপস্থিত হওয়া, সর্তকতার সাথে উত্তরপত্রের প্রথম অংশ পূরণকরণ ও সর্বাবস্থায় শৃঙ্খলার প্রতি শ্রদ্ধাশীল হওয়ার নির্দেশনা প্রদান করেন। সবশেষে দোয়া এবং মোনাজাতের মাধ্যমে অনুষ্ঠানের সমাপ্তি ঘটে।





ভূমিকম্পে করণীয় ও অগ্নি নির্বাণ মহড়া অনুষ্ঠিত

২৮ মার্চ ২০১৯ তারিখে হালিশহর ক্যান্টনমেন্ট পাবলিক স্কুল এন্ড কলেজ প্রাঙ্গনে অনুষ্ঠিত হয়েছে ভূমিকম্পে করণীয় বিষয়ক সভা ও অগ্নি নির্বাণ মহড়া। ভূমিকম্পে তাৎক্ষণিক করণীয় সম্পর্কে আলোচনা করেন প্রতিষ্ঠানের শিক্ষিকা হেমা বিনতে ইসলাম। শেষে চট্টগ্রাম বিভাগের ফায়ার সার্ভিস ও সিভিল ডিফেন্সের একটি ইউনিট অগ্নি নির্বাণের নানা কৌশল ও উদ্ধার অভিযানের উপর একটি মহড়া প্রদর্শন করে। অত্র প্রতিষ্ঠানের সকল শিক্ষক-শিক্ষিকা, শিক্ষার্থী, কর্মকর্তা-কর্মচারী মহড়াটি উপভোগ করেন এবং অগ্নি নির্বাণের নানা কৌশল সম্পর্কে সম্যক ধারণা লাভ করেন।





পহেলা বৈশাখ ১৪২৬ বঙ্গাব্দ

উদযাপন



১৪ এপ্রিল ২০১৯ তারিখে অতীতের ভুল ত্রুটি ও বিষাদকে বিদায় জানিয়ে দেওয়ার উৎসব পহেলা বৈশাখ। হালিশহর ক্যান্টনমেন্ট পাবলিক স্কুল এন্ড কলেজ বেশ সাড়ম্বরে সারাদেশের সাথে একাত্ম হয়ে বরণ করে নিল বাংলা ও বাঙালির অস্তিত্ব ও ঐতিহ্যের ধারক নববর্ষ ১৪২৬ বঙ্গাব্দকে। মুঘল সম্রাট আকবরের শাসনামলে প্রবর্তিত হয় এই বাংলা সন। পুনর্যাহ, হালখাতার উৎসবকে কেন্দ্র করে আয়োজিত হত বৈশাখী মেলা। সেই থেকে ধীরে ধীরে এই উৎসব হয়ে ওঠে বাঙালির প্রাণের উৎসব। এ উপলক্ষে এইচসিপিএসসি নিজস্ব কলেজ প্রাঙ্গনে আয়োজন করে মঙ্গল শোভাযাত্রা আর চমৎকার ও বর্ণাঢ্য বৈশাখী মেলার। শিক্ষার্থীদের আয়োজনে ছিল হাউজ ভিত্তিক স্টল, শিক্ষকদের স্টল, ফুচকা-চটপটির স্টল, এছাড়াও ছিল মেহেদি ঘর। শিক্ষার্থী ও শিক্ষকদের উপস্থাপনায় ছিল মনোজ্ঞ সাংস্কৃতিক অনুষ্ঠান। অনুষ্ঠানে স্বপরিবারে উপস্থিত ছিলেন ব্রিগেডিয়ার জেনারেল মোস্তফা কামাল রুশো, এনডিসি, পিএসসি, জি, সভাপতি, পরিচালনা পর্ষদ, হালিশহর ক্যান্টনমেন্ট পাবলিক স্কুল এন্ড কলেজ ও কমান্ড্যান্ট, আর্টিলারি সেন্টার ও স্কুল। শিক্ষার্থী, অভিভাবক, শিক্ষকবৃন্দের পদচারণায় কিছু সময়ের জন্য মুখর ও রঙিন হয়ে ওঠে হালিশহর ক্যান্টনমেন্ট পাবলিক স্কুল এন্ড কলেজ প্রাঙ্গন।



হালিশহর ক্যান্টনমেন্ট ক্যান্টনমেন্ট পাবলিক স্কুল এন্ড কলেজ কর্তৃক চট্টগ্রাম অঞ্চল আন্তঃ ক্যান্টনমেন্ট পাবলিক স্কুল ও কলেজ খেলাধুলা প্রতিযোগিতা-২০১৯ আয়োজন



২৭ ও ২৮ এপ্রিল ২০১৯ তারিখে হালিশহর ক্যান্টনমেন্ট পাবলিক স্কুল এন্ড কলেজ ক্যাম্পাসে অনুষ্ঠিত হয়েছে চট্টগ্রাম অঞ্চলের আন্তঃ ক্যান্টনমেন্ট পাবলিক স্কুল এন্ড কলেজ এবং বালিকাদের হ্যান্ডবল ও দাবা প্রতিযোগিতা। এতে অংশগ্রহণ করেছে দশটি শিক্ষা প্রতিষ্ঠান: লেকার্স পাবলিক স্কুল এন্ড কলেজ (LPSC), খাগড়াছড়ি ক্যান্টনমেন্ট পাবলিক স্কুল এন্ড কলেজ (KCPSC), বান্দরবান ক্যান্টনমেন্ট পাবলিক স্কুল এন্ড কলেজ (BCPSC), চট্টগ্রাম ক্যান্টনমেন্ট পাবলিক কলেজ (CCPC) এবং হালিশহর ক্যান্টনমেন্ট পাবলিক স্কুল এন্ড কলেজ (HCPSC)। দাবা খেলা স্কুল শাখায় চ্যাম্পিয়ন হয়েছে সিসিপিসি ও রানারআপ হয়েছে এইচসিপিসিএসসি। দাবা খেলা কলেজ শাখায় চ্যাম্পিয়ন হয়েছে কেসিপিসিএসসি ও রানারআপ হয়েছে এইচসিপিসিএসসি। হ্যান্ডবল প্রতিযোগিতার স্কুল শাখায় চ্যাম্পিয়ন হয়েছে এইচসিপিসিএসসি ও রানারআপ হয়েছে সিসিপিসি। কলেজ শাখায় চ্যাম্পিয়ন হয়েছে সিসিপিসি ও রানারআপ বিসিপিসিএসসি। পুরো টুর্নামেন্টে স্কুল পর্যায়ে শ্রেষ্ঠ খেলোয়াড় নির্বাচিত হয়েছে এইচসিপিসিএসসি এর ১০ম শ্রেণির বিজ্ঞান শাখার ছাত্রী সিরাজুম মুনিরা রিফা এবং কলেজ শাখায় শ্রেষ্ঠ খেলোয়াড় নির্বাচিত হয়েছে সিসিপিসি এর একাদশ শ্রেণির ইসফা আদন তাহেরা। অত্র প্রতিষ্ঠানের অধ্যক্ষ বিজয়ীদের হাতে ট্রফি ও ব্যক্তিগত মেডেল তুলে দেন এবং বিজয়ীদের অভিনন্দন জানিয়ে ২দিন ব্যাপী অনুষ্ঠিত চট্টগ্রাম অঞ্চলের আন্তঃ ক্যান্টনমেন্ট পাবলিক স্কুল এন্ড কলেজ প্রতিযোগিতার সমাপ্তি ঘোষণা করেন।





বিজ্ঞান মেলা ২০১৯ অনুষ্ঠিত

০২ মে ২০১৯ তারিখে বিজ্ঞানের হাত ধরে বিশ্ব হয়েছে আধুনিক। আধুনিকতার এই ধারাবাহিকতায় পিছিয়ে নেই সুপ্রতিষ্ঠিত শিক্ষা প্রতিষ্ঠান হালিশহর ক্যান্টনমেন্ট পাবলিক স্কুল এন্ড কলেজ। প্রতি বছরের মত এ বছরও আয়োজন করা হয় বিজ্ঞান মেলা-২০১৯। ৪টি শিক্ষা প্রতিষ্ঠানের ২৩৫ জন শিক্ষার্থী ১৩৩টি প্রজেক্ট উপস্থাপন করে এই বিজ্ঞান মেলায়। অংশগ্রহণকারী প্রতিষ্ঠানগুলো হলো- গানার্স ইংলিশ স্কুল, গ্রীণহিল ইংলিশ স্কুল, শহীদ লে: জি এম মুশফিক বীর উত্তম উচ্চ বিদ্যালয় ও হালিশহর ক্যান্টনমেন্ট পাবলিক স্কুল এন্ড কলেজ। ৩য়-৫ম শ্রেণির ইলেকট্রন গ্রুপে ১ম ও ২য় স্থান অর্জন করেছে হালিশহর ক্যান্টনমেন্ট পাবলিক স্কুল এন্ড কলেজ এবং ৩য় হয়েছে গানার্স ইংলিশ স্কুল। ৬ষ্ঠ-৮ম শ্রেণির প্রোটন গ্রুপে ১ম হয়েছে গানার্স ইংলিশ স্কুল, ২য় ও ৩য় স্থান অর্জন করেছে হালিশহর ক্যান্টনমেন্ট পাবলিক স্কুল এন্ড কলেজ। ৯ম-১২শ শ্রেণির নিউট্রন গ্রুপে ১ম ও ৩য় স্থান অর্জন করেছে হালিশহর ক্যান্টনমেন্ট পাবলিক স্কুল এন্ড কলেজ এবং ২য় স্থান অর্জন করেছে গানার্স ইংলিশ স্কুল। বিজয়ীদের হাতে সনদপত্র তুলে দেন অত্র প্রতিষ্ঠানের অধ্যক্ষ লে: কর্নেল রকিব উদ্দিন আহমেদ, পিএসসি।



এসএসসি-২০১৯ এ শতভাগ পাসের সফলতা



হালিশহৰ ক্যান্টনমেন্ট পাবলিক স্কুল এন্ড কলেজ প্ৰতিষ্ঠাৰ পৰা থেকে চট্টগ্রাম বোর্ডে অন্যান্য পাবলিক পৰীক্ষাৰ পাশাপাশি এসএসসি পৰীক্ষায়ও ভালো ফলাফল অৰ্জন অব্যাহত রেখেছে, তাৰ ব্যত্যয় ঘটেনি এই বছরও। ২০১৯ সালে এসএসসি পৰীক্ষায় মোট ১৫১ জন শিক্ষার্থী অংশগ্ৰহণ করে ১৫১ জনই কৃতিত্বের সাথে উত্তীর্ণ হয়েছে। বিজ্ঞান শাখায় ১১৪ জন শিক্ষার্থীর মধ্যে ৬৯ জন শিক্ষার্থী জিপিএ-৫.০০ এবং ব্যবসায় শিক্ষা শাখায় ৩৭ জন শিক্ষার্থীর মধ্যে ৫ জন জিপিএ-৫.০০ সহ শতভাগ পাসের সাফল্য অৰ্জন করে।





অভ্যন্তরীণ শিক্ষক প্রশিক্ষণ কর্মশালা

০৬ ও ০৭ মে ২০১৯ তারিখে অত্র প্রতিষ্ঠানে কর্মরত শিক্ষকবৃন্দ ও গানার্স ইংলিশ স্কুল, গ্রিণ হিল ইংলিশ স্কুল এবং শহীদ লে. জি এম মুশফিক বীর উত্তম উচ্চ বিদ্যালয়ের শিক্ষকবৃন্দের অংশগ্রহণে অনুষ্ঠিত হয় ২ দিন ব্যাপী অভ্যন্তরীণ শিক্ষক প্রশিক্ষণ কর্মশালা। ১ম দিনের প্রশিক্ষণের বিষয় ছিল ডিজিটাল কন্টেন্ট প্রস্তুত ও প্রতিষ্ঠানে নৈতিকতার চর্চা এবং পরবর্তী দিনের প্রশিক্ষণ কর্মসূচিতে ছিল বিভাগ ভিত্তিক প্রশিক্ষণ ব্যবস্থা। দুই দিন ব্যাপী এই প্রশিক্ষণের সেশনগুলো পরিচালনা করেন স্বনামধন্য প্রতিষ্ঠানের প্রশিক্ষক ও শিক্ষকবৃন্দ।



মাদক বিরোধী আলোচনা সভা অনুষ্ঠিত

১৮ জুন ২০১৯ তারিখে হালিশহর ক্যান্টনমেন্ট পাবলিক স্কুল এন্ড কলেজ কর্তৃক আয়োজিত ‘মাদককে না বলুন’ শিরোনামে মাদক বিরোধী আলোচনা সভার আয়োজন করা হয়। মাদকদ্রব্য, মাদকাসক্তি, মাদকাসক্তির প্রভাব, কুফল এবং মাদকাসক্তি প্রতিরোধের বিষয় সমূহকে তুলে ধরে একটি প্রামাণ্যচিত্র প্রদর্শন ও গুরুত্বপূর্ণ আলোচনা সভা অনুষ্ঠিত হয়। এ আলোচনা সভায় উপস্থিত ছিলেন ৬ষ্ঠ-১২শ শ্রেণির সকল শিক্ষার্থী, শিক্ষকমণ্ডলী এবং প্রতিষ্ঠানের সকল কর্মকর্তা কর্মচারী। অত্র প্রতিষ্ঠানের দুইজন শিক্ষার্থী, দুইজন শিক্ষক সচেতনতামূলক আলোচনায় অংশগ্রহণ করেন। প্রতিষ্ঠান প্রধানের গঠনমূলক আলোচনার মধ্য দিয়ে অনুষ্ঠানের পরিসমাপ্তি ঘটে।



পারিবারিক সম্মিলন অনুষ্ঠিত

২০১৯ সালের ৩ মার্চ অনুষ্ঠিত হয় হালিশহর ক্যান্টনমেন্ট পাবলিক স্কুল এন্ড কলেজ পরিবারের শিক্ষক-কর্মকর্তা-কর্মচারীর পারিবারিক সম্মিলন। চমৎকার এই আয়োজনে করেছিল এইচসিপিএসসি কর্তৃপক্ষ। এই আয়োজনে অংশগ্রহণ করেন প্রতিষ্ঠানটির ২২০ সদস্যের পরিবার। বেলা ১২.৩০টায় প্রত্যেক শিক্ষক-শিক্ষিকা-কর্মকর্তা-কর্মচারীবৃন্দ স্বপরিবারে উপস্থিত হন কনভেনশন সেন্টার 'Hall-7' এ। স্বল্প পরিসরে আনন্দঘন পরিবেশে অনুষ্ঠিত হয় সাংস্কৃতিক অনুষ্ঠান। ১ম পর্বের মধ্যাহ্নভোজ সমাপ্ত করে সবাই প্রতিষ্ঠানের বাসে যাত্রা করে পতেঙ্গা সমুদ্র সৈকতের উদ্দেশ্যে। প্রত্যেকেই নিজেদের মতো আনন্দ করে ৭.০০ টায় ফিরতি যাত্রা করে ফিরে যায় নিজ নিজ আবাসস্থলে।



ফল প্রদর্শনী ২০১৯

১৯ জুন ২০১৯ তারিখে বুধবার হালিশহর ক্যান্টনমেন্ট পাবলিক স্কুল এন্ড কলেজ, দেশি-বিদেশি বিভিন্ন ফল সম্পর্কে শিক্ষার্থীদের পরিচিত করিয়ে দিতে এক ফল প্রদর্শনীর আয়োজন করে। সকাল ৮.৩০ টায় অধ্যক্ষ মহোদয় লে: কর্নেল রকিব উদ্দিন আহমেদ, পিএসসি অনুষ্ঠানটি উদ্বোধন করেন। উক্ত অনুষ্ঠানে আম, জাম, কাঁঠাল, লিচু, কলা, কমলা, আপেল, নারকেল, জাম্বুরা, বরই, পেঁপে, আখ, আমলকি, আনারস, বাঙ্গি, কামরাসা, কাউফল, ডেউয়া, তরমুজ, ড্রাগন ফল, খেজুর, গাব, জামরুল, ডালিম, লুকলুকিসহ ৩৭ ধরনের ফল প্রদর্শিত হয়। ফলগুলোর প্রচলিত নাম, ইংরেজি নাম, বৈজ্ঞানিক নাম, পুষ্টিগুণ ও রোগ প্রতিরোধে ভূমিকা সম্পর্কে শিক্ষার্থীদের ধারণা দেয়া হয়। সকল শ্রেণির শিক্ষার্থীরা সুশৃঙ্খলভাবে এ প্রদর্শনী উৎসাহের সাথে উপভোগ করে। গানার্স ইংলিশ স্কুল ও শহিদ লে. জি.এম মুশফিক বীর উত্তম উচ্চ বিদ্যালয়ের শিক্ষক ও শিক্ষার্থীরাও ফল প্রদর্শনী পরিদর্শন করেন। পরিদর্শনকারী প্রতিষ্ঠানগুলো এ ধরনের উদ্যোগ গ্রহণের জন্য অত্র প্রতিষ্ঠানকে সাধুবাদ জানায়। দুপুর ০১.৫৫ টায় প্রদর্শনী শেষ হয়।



বিভিন্ন প্রতিযোগিতায় আমাদের অংশগ্রহণ ও অর্জন

১। দৃষ্টি বিতর্ক কর্মশালা:

‘দৃষ্টি’ চট্টগ্রামের উদ্যোগে গত ২ ও ৩ মে ২০১৯ তারিখে চট্টগ্রাম শিল্পকলা একাডেমিতে ‘দৃষ্টি বিতর্ক কর্মশালা - ২০১৯’ এর আয়োজন করা হয়। এতে HCPSC এর ৮ জন শিক্ষার্থী অংশগ্রহণ করে। কর্মশালা শেষে অংশগ্রহণকারীদের মধ্যে সনদ বিতরণ করা হয়।

২। চিত্রাংকন ও সেরা বাংলাবিদ প্রতিযোগিতা:

‘প্রজাপতি বই নিকুঞ্জ’ এর উদ্যোগে হালিশহর এ ব্লকে গত ২৬ শে ফেব্রুয়ারি ২০১৯ তারিখে আয়োজন করা হয় চিত্রাংকন ও সেরা বাংলাবিদ প্রতিযোগিতা। এতে HCPSC এর ৮ম শ্রেণির শিক্ষার্থী আফসানা জাহিন অংশগ্রহণ করে যথাক্রমে ৮ম ও ৫ম স্থান অধিকার করে।

৩। সুন্দর হাতের লেখা প্রতিযোগিতা:

গত ২১শে ফেব্রুয়ারি ২০১৯ তারিখে ‘সংস্কৃতি বিষয়ক মন্ত্রণালয়’ এর উদ্যোগে জিয়া স্মৃতি জাদুঘরে সুন্দর বাংলা হাতের লেখা প্রতিযোগিতার আয়োজন করা হয়। এখানে অষ্টম শ্রেণির ছাত্রী ঐশি দ্বিতীয় স্থান অধিকার করে।

৪। জাতীয় শিক্ষা সপ্তাহ - ২০১৯:

গত ২০ মার্চ ২০১৯ তারিখে পাহাড়তলী ডিগ্রী কলেজে শিক্ষা মন্ত্রণালয়ের উদ্যোগে আয়োজিত হয় ‘জাতীয় শিক্ষা সপ্তাহ - ২০১৯।’ এতে বিভিন্ন ক্যাটাগরিতে HCPSC এর ৩৫ জন শিক্ষার্থী অংশগ্রহণ করে থানা পর্যায়ে ১৮টি ইভেন্টে প্রথম স্থান অধিকার করে।

৫। ৯ম রসায়ন অলিম্পিয়াড:

‘বাংলাদেশ রসায়ন সমিতি’ এর উদ্যোগে চট্টগ্রাম কলেজে গত ২৫ জানুয়ারি ২০১৯ তারিখে আয়োজন করা হয় ৯ম রসায়ন অলিম্পিয়াড। এতে HCPSC এর ৪৪ জন শিক্ষার্থী অংশগ্রহণ করে। পরে অংশগ্রহণকারীদের মধ্যে সার্টিফিকেট বিতরণ করা হয়।

৬। সৃজনশীল মেধা অন্বেষণ প্রতিযোগিতা:

গত ১৮ মার্চ ২০১৯ তারিখে সৃজনশীল মেধা অন্বেষণ প্রতিযোগিতায় HCPSC এর ৬ জন শিক্ষার্থী অংশগ্রহণ করে। এতে ভাষা ও সাহিত্য ক্যাটাগরিতে ১০ম শ্রেণির শিক্ষার্থী আরবিনা মুনতাহা জেলা পর্যায়ে ১ম স্থান অধিকার করে। এছাড়া একাদশ শ্রেণির ছাত্রী সুমাইয়া আক্তার নুবা ৩য় ও মো: সাদমান আলী বাংলাদেশ স্টাডিজ ও মুক্তিযুদ্ধ ক্যাটাগরিতে ৩য় স্থান অধিকার করে।

৭। শুদ্ধ জাতীয় সঙ্গীত প্রতিযোগিতা:

২৫ শে ফেব্রুয়ারি ২০১৯ তারিখে জেলা শিল্পকলা একাডেমীতে আয়োজিত হয় শুদ্ধ জাতীয় সঙ্গীত প্রতিযোগিতা। এতে HCPSC থানা পর্যায়ে ১ম এবং জেলা পর্যায়ে ৪র্থ স্থান অর্জন করে।

৮। সমকাল বাংলাদেশ জীববিজ্ঞান উৎসব:

গত ৮মার্চ ২০১৯ শুক্রবার কলেজিয়েট স্কুল চট্টগ্রামে অনুষ্ঠিত হয়। ‘সমকাল বাংলাদেশ জীববিজ্ঞান উৎসব।’ এর আয়োজনে ছিল সমকাল ও জেনেটিক ইঞ্জিনিয়ারিং চট্টগ্রাম বিশ্ববিদ্যালয়। এতে HCPSC এর ৩৫ জন পুরস্কার প্রাপ্ত হয়।

৯। চট্টগ্রাম জেলা আন্তঃস্কুল টেবিল টেনিস প্রতিযোগিতা:

গত ২রা ফেব্রুয়ারি চট্টগ্রাম জেলা আন্তঃস্কুল টেবিল টেনিস প্রতিযোগিতা অনুষ্ঠিত হয়। এতে HCPSC এর শিক্ষার্থীরা টেবিল টেনিস দ্বৈত (বালক) ইভেন্টে রানার আপ হওয়ার গৌরব অর্জন করে।

১০। উপ অঞ্চল এ্যাথলেটিক্স প্রতিযোগিতা:

২২শে জানুয়ারি ২০১৯ তারিখে কলেজিয়েট স্কুল চট্টগ্রামে অনুষ্ঠিত হয় উপ অঞ্চল এ্যাথলেটিক্স প্রতিযোগিতা। এতে HCPSC এর ২জন শিক্ষার্থী অংশগ্রহণ করে এবং দীর্ঘ লাফ ও স্কিপিং ইভেন্টে ৩য় স্থান অধিকার করে।





১১। ৪৮তম জাতীয় স্কুল মাদ্রাসা ক্রীড়া প্রতিযোগিতা:

গত ১১ জানুয়ারি ২০১৯ তারিখে ৪৮ তম জাতীয় স্কুল মাদ্রাসা ক্রীড়া প্রতিযোগিতা অনুষ্ঠিত হয়। এতে HCPSC এর ১৯ জন শিক্ষার্থী অংশগ্রহণ করে জেলা পর্যায়ে এ্যাথলেটিক্সে ১ম স্থান ৯টি, ২য় স্থান ৩টি, ৩য় স্থান ৪টি এবং ভলিবল (বালক) ইভেন্টে রানার আপ এবং বালিকাদল ৩য় হবার গৌরব অর্জন করে। এছাড়াও HCPSC এর ৪০ জন শিক্ষার্থী অংশগ্রহণ করে থানা পর্যায়ে এ্যাথলেটিক্সে ১ম স্থান ৩০টি, ২য় স্থান ১৯টি, ৩য় স্থান ১৭টি, বালক ভলিবলে চ্যাম্পিয়ন, বালিকা ভলিবলে চ্যাম্পিয়ন, বাস্কেটবল (বালিকা) রানার আপ, বাস্কেটবল (বালক) রানার আপ, ব্যাডমিন্টন (বালিকা) রানার আপ হওয়ার গৌরব অর্জন করে।

১৩। জাতীয় শিশু পুরস্কার প্রতিযোগিতা:

গত ২২ জানুয়ারি ২০১৯ তারিখে সরকারি কলেজিয়েট স্কুল চট্টগ্রামে জাতীয় শিশু পুরস্কার, থানা পর্যায়ের প্রতিযোগিতা অনুষ্ঠিত হয়। এতে HCPSC এর ১১০ জন শিক্ষার্থী অংশগ্রহণ করে। বিভিন্ন ইভেন্টে ১ম স্থান ৩৯ জন, ২য় স্থান ৩৪ জন এবং ৩য় স্থান ২৮ জন হবার গৌরব অর্জন করে।

১৪। সায়েন্স অলিম্পিয়াড:

গত ১৫ ফেব্রুয়ারি, IIUC তে অনুষ্ঠিত হয় সায়েন্স অলিম্পিয়াড। এতে HCPSC এর ১২ জন শিক্ষার্থী অংশগ্রহণ করে স্কুল পর্যায়ে ৪র্থ স্থান এবং কলেজ পর্যায়ে ৭ম স্থান অধিকার করে। এতে স্কুল পর্যায় জাতীয় পর্যায়ের জন্য মনোনীত হয়।



হালিশহর ক্যান্টনমেন্ট পাবলিক স্কুল এন্ড কলেজ

২০১৯ সালে বিভিন্ন প্রতিযোগিতায় অংশগ্রহণকারী শিক্ষার্থীর সংখ্যা ও অর্জন

ক্রম	প্রতিযোগিতার বিষয়	শিক্ষার্থীর সংখ্যা	জেলা পর্যায়ে অংশগ্রহণ	বিভাগীয় পর্যায়ে অংশগ্রহণ	জাতীয় পর্যায়ে অংশগ্রহণ	মন্তব্য
১	পুষ্টি প্রথম আলো বিতর্ক প্রতিযোগিতা	০৪ জন	০৪ জন	-	-	সেমি ফাইনাল
২	জাতীয় শিশু পুরস্কার প্রতিযোগিতা	১১০ জন	১০১ জন	০৪ জন	-	বিভিন্ন ইভেন্টে পুরস্কার প্রাপ্ত
৩	৪৮তম শীতকালীন জাতীয় ক্রীড়া প্রতিযোগিতা	৭৮ জন	৩৩ জন	০২ জন	-	বিভিন্ন ইভেন্টে পুরস্কার প্রাপ্ত
৪	বাংলাদেশ জাতীয় বিজ্ঞান অলিম্পিয়াড	১২ জন	১২ জন	০২ জন	০২ জন	বিভিন্ন ইভেন্টে পুরস্কার প্রাপ্ত এবং একজন জাতীয় পর্যায়ে ১১তম
৫	শুদ্ধ জাতীয় সংগীত প্রতিযোগিতা	১০ জন	জেলাতে ৪র্থ	-	-	বিভিন্ন ইভেন্টে পুরস্কার প্রাপ্ত
৬	সমকাল বাংলাদেশ জীববিজ্ঞান উৎসব	৩৫ জন	৩৫ জন	-	-	১৩ জন বিভিন্ন ইভেন্টে পুরস্কার প্রাপ্ত
৭	সৃজনশীল মেধা অন্বেষণ প্রতিযোগিতা	০৬ জন	০১ জন	-	-	জেলা পর্যায়ে ১ম
৮	৯ম রসায়ন অলিম্পিয়াড	৪৪ জন	-	-	-	সকলে সনদপ্রাপ্ত
৯	জাতীয় শিক্ষা সপ্তাহ ২০১৯	৩৫ জন	০৮ জন	-	-	বিভিন্ন ইভেন্টে ১৮টি পুরস্কার প্রাপ্ত
১০	সুন্দর বাংলা হাতের লেখা প্রতিযোগিতা	০১ জন	-	-	-	২য়
১১	চিত্রাংকন, সেরা বাংলাবিদ প্রতিযোগিতা	০২ জন	-	-	-	৮ম ও ৫ম
১২	দৃষ্টি বিতর্ক কর্মশালা	০৮ জন	-	-	-	সনদপ্রাপ্ত
	মোট	৩৪৫ জন	১৯৪ জন	০৮ জন	০২ জন	০১ জন জাতীয় পর্যায়ে ১১তম



হালিশহর ক্যান্টনমেন্ট পাবলিক স্কুল এন্ড কলেজ
Halishahar Cantonment Public School & College
Email: info@hcpsc.edu.bd, Web: www.hcpsc.edu.bd